

四庫全書

集部

欽定四庫全書

集部
水心集卷七

詳校官庶吉士臣范逢恩

主事_臣呂雲祿覆勘

總校官知縣_臣繆琪

校對官中書_臣王璠

謄錄監生_臣王天祿

欽定四庫全書

水心集卷七

宋 葉適 撰

古詩

送林孔英

東堂質疑是啟鑰西廂坐講水赴壑本朝合選經博士
萬里那投郡文學東風吹散石門冰吳人送去蜀人迎
雪山嵯峨大江滿施樓過之清又清

贈巖電隱士

近時術人多莽蕩要把虛名隨妄想神王雖去形不拘
尺直須防尋有枉從來鍾鼎無山林老去豈復少年心
苦言部位許虧闕已早騰踏非埋沈

送謝學賓

衰年嬾看客十卧適一起謝子何許來我屐屢折齒貌
閑神又肅論事靜而理紛然嘲啗際莞爾諧宮徵麟獲
無怒角鳳去愁遯尾正應晚聞道不受血氣使山頭歲

茅老未鎌庭中桂枝春已添巢由亦有藏身地小壓聲
名傍屋簷

何倫秀才親喪不能舉冀其親戚故人有知之
者

兩母久未葬魂冷常夜嘶病婦槌心號血盡身為泥我
死不自惜少忍賦有甓何當深九仞更與崇四尺

蜂兒榷歌

平林常榷啖俚蠻玉山之產升金盤其中一樹斷崖立

石乳蔭根多歲寒形嫌蜂兒尚粗率味嫌蜂兒少標律
昔日取急欲高比今我細論翻下匹世間異物難並兼
百年不許羸栽添餘甘何為滿地澁荔子正復漫天甜
浮雲變化嗟俯仰靈芝醴泉成獨往後來空向玉山求
坐對蜂兒還想像

趙子容任溫州司法終日看冊子而事自理又
新廩儲糧功利可傳也為賦讀書行率諸友
同作

法曹冗散人不管聞道自要紛華損常平築教米山積
讀書豈知米塵滿歸來依舊茅蓋亭焉得捨學干時卿
不然天上讀書去蓬島瀛洲無限清

登北務後江亭贈郭希呂

壁上陋室銘門外剪茅亭小市魚蝦散寂寂大江風浪
來冥冥郭翁雖老猶貌澤腹貯今古心和平只應獨將
笏拄頰清坐都不挂毫髮何必隨逐欄頭奴日招稅錢
三萬億前靈運後延年桑麻舊國常宛然城頭路闕總

令好不知於人安穩否

送程傳叟

茂苑臺高春日明君顏如花楊柳青蕭條別離風雨外
楊柳自青君貌改誰知仰天慙天公三辰五星在心中
老作海頭新主簿蜚氣錯雜迷西東去年無禾雖種菽
乞命只指今年熟家人未可便喜惟少待上司催結局

送徐景大

桃湖避秦之遠孫繞湖桃葉遮桃根父子聲名動場屋

綠衫手扳桃花村相隨入南訪靈迹九日山重海深碧
韓公文高大冊印秦系詩清小埭刻我已衰頽書不成
有語安能為重輕子今自出瓊瑰句南伯南侯倒屣迎

題五畏齋

曹滕亦據南面槿坐衙吏貼羣趨先敢云威福自我出
下有赤子高蒼天聖人迭興建皇極付祝長官尤惻惻
前碑持立示銘誠後榜七條垂訓釋冰清王令來調琴
四事未畏先畏心常將方寸勤管攝不與外物相虧侵

情防驕粗意防滿萬事須要畏為本君不見匹夫膽大
氣如山風浪只在須臾間

懷遠堂

祖后昔尊御忠邪初混茫設行揚于庭直詞招自旁盡
鉏新法穢還拯疲民康白頭失路者冠服煇以煌尤工
抑外家減官卑輪箱纍然兩孤姪賦祿上園防賜書課
熟讀斂衽常敬莊盤筵化蒲莧歌舞諱姬姜堂開瞰遠
野惟見條山蒼不知天何意反掌異存亡何人致顛覆

使我同披猖燕雲半點黑汴水千里黃飄蕭離宮殿零
落趁倉荒三吳通葦岸中禁隔龍光曾孫更寂寞泥裏
弄耕桑風掀炊饑竈雨爛曬禾場稍復卓墟墅漸能滿
困倉舊居重回首欲詣川無梁哀哉血腥浣狐兔久埋
藏想其屢易主指說故侯王時運從代謝形神終慘傷
翁今垂八十健悍嗔扶將句中青玉案壁上烏絲行細
抄四簷動繞看三伏涼渚清蓮葉曉露淨菊枝芳鶴籠
翅羽濶漁鰈波浪長凜懷南狩日駭潰非一方當繇后

請命所以再隆昌顙俊雖草莽象賢本虞唐不應女堯
舜早已墜簪裳勸翁善眠食神道分否臧會須詔飛下
洗沐朝建章

報德菴

王孫生長安仁宅親見宣仁靖家國艱難身後苔水頭
舉目湖山非舊識孩兒負土成新阡手種拱把皆叅天
皇天報德無窮年蟠根翳葉藏雲煙

露星亭

斗杓點翠為此城四郊環拱來遙青知君欲覽衆山小
取塲磨就天上亭身心合於高處著萬象不語森湊泊
古今日色遞淺深志士可惜虛光陰

送高仲發

細君吁久寂季弟猶長貧棄我涉遠道策策傷心神舍
西三畝奮作急老自耘稻熟曾未割歸趁秋風新

明覺寺

雲山尖頭海潮涌九月天雪山葉重道人高絕但危坐

山魃野虎皆趨拱住山三載兩遭荒侍者餓損扶參堂
沿村索米未為恥莫令木魚化龍鍾透水

送蔣少韓

昔子岳陽去我病不能吟久拋風煙句永結江湖心子
今岳陽歸惠我過始覲日月無蔽虧空水互摧激濯足
洞庭浦晞髮君山顛誰驚瘦到骨所要清為天部家豐
屋永新縣象牀金簾春風轉提壺未許勸人留求言待
上茅茨殿

寄題鍾秀才詠歸堂

鍾君文武隨所求馬上檄草兼詞頭五兵鑄就殺氣動
却寫三賦祥光流左踰陰山右絕漠漢地自厭塵沙惡
聖門歷歷宮牆深風乎不知詠歸樂作堂雖窄海浪寬
沂水何止八九吞當年曾點見真趣推琴難挽由求論
課兒讀易夜參五香燼銷沈澄莽鹵東家夢熟幾時知
還有漁人歎良苦

鹿鳴宴詩

鹿鳴著周雅取士各惟時永嘉近千載文物盛於斯賢
侯奉明指薦棘鎖秋扉帑寶難驟識獨鑒防羣嗤誠云
得之慰重為失者悲鄙夫素寡學已老謾將知仰欣多
材聚俯愧隻影踦晴霜萬里肅威鳳正高飛朝陽羽翾
翾春梧綠蕤蕤新榮忌輕覓苦節誓終期

潘廣度

秦聲鳴鳴何處村楚些行歌愁斷魂光風自汎靈草碧
朗月豈受頑雲吞坐具平鋪佛叉手空劫以前人總有

一文全捨絕乘除得福便過崑崙渠

送楊通判

花稀讓林稠苗疎與田遠共欣永日寬更笑餘寒褊窮
閭多樂事粲粲翠幄展惜君盍少假忽泛江流緬三年
網紀地一意圭玉琬臞儒道義深傲吏威稜淺山鞋蠟
已就畫筆枯未吮不上雁蕩峯何繇寄高蹇

哀輦仲至

老衰哭無淚行歎復坐嗟荒涼鶴鳴村尚友初萌芽當

時各年少涉世迷驪駒中天懸明月爭欲伸手拏朝語
日再晷夜談更五過君文早貴重蜀錦載雲車離離三
千首雅正排淫哇石碑富規製玉策垂芬葩簡牘尤妙
美一字不可加笑我自山野悲君混泥沙古稱騷人窮
留與後代誇昨誰寄音信已受南臺衙俄然被彈射翻
燎北塢畬李也守大玉千里畦稻麻請登小芙蓉萬仞
凌煙霞茲遊隱者事亦乃期屢差書來病良慰誓言指
春華秉我烏白燭淪以蔣富茶那知是絕筆楊柳空白

花頗疑魂氣升彷彿天之涯多生註周易遙認草玄家

送王通判

左原冢孫產巴東山靈地秀兼長雄自小赤心天與通
可惜五十方治中北風吹沙暗中渡不合吹君落南去
水有子魚山荔枝借我箸食前籌之

贈林秀才

乃翁掩親醵州里自云先世曾如此汝今謀葬無置錫
況有滿族喪纍纍春風未回萬山赤秋霜忽至凋寸碧

鵙鷲利觜魄凜然聞者應垂最後憐

送徐洞清秀才入道

方老昔為儒仁義自愁煎決策從道士擺落科場緣神
仙事茫昧良得日高眠徐生嗣其風永謝負郭田白欄
已回施黃鸞毫猶索錢書籍棄塵案笙磬來釣天看鏡
胡獨難超俗諒非少異花改林秀孤翮移漢矯月華滿
庭蕪間沈霜宇峭親交生離絕空歎真游杳

自羅浮行田宿華嚴寺

浮山昔飛至與羅合其巔嚴冬樹色改青松耀紅鵑不
種自生植屢伐常蒼然我病不暇耕行復觀我田呼扶
偃蹇後倩護龍鍾先僮客四面集畦疇相勾連敢云歲
晏休翻犁趁晴暄民政今古殊憂樂豈異源收身卧荒
刹朗月前夜圓鵲懶附枝靜聽饑嗅牀穿為農悔不早
時發棹歌旋

送輩仲同

花溪初逢日苦短橘洲重尋意更長天催鵲鷁玉樓去

漱流不並龍洲旁春風忽高行旆起酒盡何如添野水
古來交契看老時與公安得輕別離

送林退思四川分司茶馬幹官

棄繻詆關吏廣殿射高名方從媚子引豈料讒夫傾京
師恩暮降蜀道險朝升執手郭西門惻愴難為情有山
擎空雪有谷匝底冰鳥樂謾後噪猿孤定先鳴漢中王
霸地從古鋒鏑爭崩摧韓信壇闕落張魯營感子奮衣
去客猛意自輕笑我老何怯萬里今橫行

送周明叔王成叟併上昌甫仲正二兄

成叟自成身明叔志明時二士澍村下飲醇棄糟醕澍
村去綿邈二士天所遺琢琯而佩環染夏為裳衣高岡
無長松結根空兔絲渚行枉又直帆掛昂復低飯彼章
泉菽羹以南澗葵沐浴明月珠簸弄芙蓉旗兩邦意氣
合一唯萬論微羌余抱茲獨安得往從之

陳伯明建讀書堂於仙都巖蓋縉雲最勝特
處市書名田役大費巨當用衆力一家不能

專也余為作仙都行以堅其成

東萊龍川師道起一時話言猶在耳我輩勤苦常剗心
後生懶惰自迷已聞君相取黃帝鄉石簡中間穩上梁
搜翹索楚尋舊學關雎師摯聲洋洋書惟見多參互解
食要良田宜廣買俚翁有語人未知醬裏投鹽事終在
君不見衡廬嶽麓天與靈達士必垂千載名山高海深
產奇物他年古文屋壁出

送龔叔虎

寺暗莓苔深歲潦雷電粗問胡旅窮舍鑽燧煮菜蕪答
云自孩童早識竈下梧逡巡四十載翻著火上爐今昔
豈異能聞見終殊途德衰嗟教薄筆退憐詞枯何以充
我求往衆歸裝孤子文如繡顰子行如冰壺世惟春華
翫爾用秋實舖去從孔鸞翔勿受斥鷃呼

贈趙季清縣丞

多生有奇姿名已在仙籍朝遊風后館暮返旌陽宅五
月涼如秋照夜干將白養之鋒鋌餘參魯柴亦愚

趙成父築亭上饒即用東里舊圃榜曰魚計

秦僑洛寓隨南公新條復欲無開封亭名若有土斷法
鄭圃豈在章泉中舊魚遙應化龍去今魚且復波間住
人為魚計魚未知今樂莫忘昔日悲

孔復君架樓貯書疎池累石花藥環列

老夫一編未得妙頗以書多為世笑舊友從余不復求
樓藏萬卷猶嫌少書中之理甚周徧可惜有眼無時見
管葛徧陋空礙塞周孔深微常運轉樓東兼水更兼山

四時紅翠交飛翻付與兒孫好門戶光芒應射斗牛間

送蔡子重

憐子昔參江上僚前功如日鬢蕭蕭莫輕小縣深谷裏
續絲運軫琴方調薄冰未隨野梅結和風已催山杏發
庾文露巧衆術同一心之純天與通

許敬之用余言作松山草堂然游山之意猶未
已也申以為箴

許子家住松山邊門開路闢登山巔千年茂樹不改葉

百尺甘井常流泉堂中悄然人境絕時有剝啄延臞仙
天下之山皆若此捨而外求徒喪已卑能蘊高而為謙
高能生明是為責芒鞋價長今安之撰屨欠伸吾老矣

送蔡子壽

彼友蔡氏子任也堪將相唯儔亦異材朗立萬人上吾
嘗扣其微事詣理亦暢雨露待堅成風波豈凋喪醯雞
發淺覆鹽虎背新樣侵尋墮老醜闔茸屢監當繁霜生
野色行李正悽愴恐子復未平因書寄無恙

寄柳祕校

頗聾早謝葛亮辟少吃善著揚雄書籬風索索苦瓠晚
山雨重重甘菊疎今人相輕多匿笑古人自許堪同調
咀芹嚼藻泮有宮先生手提終化龍

魏華甫鶴山書院

蒼崔有頂我為廬日君月妃霍下趨梳風洗雨耳自醒
玉帝詔許擔宸居周公仲尼在左右勘點六籍開凡愚
曾經秦禍多散闕鄭箋毛傳悲紛如精神感通若親授

損益殷夏還其初憶君低回校天祿高論自遣陳言鋤
況今卓絕離人境妙悟豈可常情拘飄零每疑夢魂到
懍慌忽墮西南書韓呂之相以類聚程張之師以道俱
業調甘酸嗜秦炙肯逐象罔迷玄珠分明憤發貫篇首
端的鏤寫傳吾徒乃知山中新所得慢簡閒編皆棄餘
脩林遠嶺秋映蔽濃花近院春扶疎彫胡已饋豆籩靜
黃獨未斲筐籃孤垂竿桐江笑短弱負鼎萃野嫌豪粗
岷峩崔嵬留後拒灩澦突兀催前驅莫嗔猿鶴不解事

與民由之誠丈夫

寄李季章叅政

袞袞入蜀者借公兄弟名每求歸載滿預屏去橐傾鷄
飛雖地控龍卧常天升惜哉坐時運久鬱時士情文章
何崛竒冬雷夏增冰德業又宏濟雄登應牛鳴已著鼎
飪利不共水火爭我窮未得死破釜斗粟營誤蒙兼金
重自視一羽輕唯當刮老眼雲雨看施行

送陳壽老

天台雁蕩車接軫青田又促半潮近冠巖帶壑無俗情
秋幹春莢競時盡老窮望絕華軒過其誰幽尋穿薜蘿
更抽奇筆向雲射破的疊中千駕鵝古今文人不多出
元祐惟四建安七性與天道亦得聞伊洛尋源未為失
閨風招手游太玄麻頭制尾中興年黃金鑄印肯輕佩
定把堯舜陳王前我家罄懸仰見斗簸君紅旗魑魅走
密房焰短夜苦長雪高水深去無鄉

題鄭大惠詩卷

憶從草廬赴鄰炊澁雪攪筵糟涌糜要當醺酣活膚湊
不許雕刻妨肝脾何年兒孫錦裯裂金塗門扉玉為切
吟中得眼萬象通浪吹狂歌總休歇兩家至今住連牆
讀書聞雞夜相將經明先入韋平室句好還升李杜堂

送孫偉夫

我友希顏人造道最勇決智校一驛敏書贏萬籤閱吐
詞春嶽麗景行寒泉潔良工製瑚簋本為郊廟設便留
刊字正稍上裨袞闕遠尋豐城劍虛負歷山月發嫌梅

柳催到恨桃杏歇親年過八袞興致經九折紙迷版簿內
稅役半緣絕云此新進士銓限凜難越廳荒茅壓頂
饑惡芹縮舌哿矣無情游自傷垂老別

端午思遠樓小集

憑高難為觀樓居勢盡傾思遠地不遠空復生遐情上
惟山遶圍下惟溪環縈此實擅清境豈以曠朗名土俗
喜操檝五月飛駭鯨鼓聲沈沈來起走如狂醒不知逐
臣悲但恃勇氣盈衰翁繭帳卧南風吹作稜

孔鍊士話龍虎山之勝於其行因以送之

羣嶂倚天傍四環中峯受拱低伏蹲雲錦交流紫團外
却注彭蠡如傾奔道陵已去丹竈冷今代符行妖鬼靜
孔師何事亦逃儒為愛冰林雪蒙頂我居無山冬不雪
只受虛空滿輪月子能作意肯重來更待牆東筭堪掘
會昌觀小集呈坐上諸文友

茲邦異氣候十月陽屢暴清霜云幾何累日困祥燠病
羸諳冷暖衣屨迷單複上印自懸車來諗蒙擊轂東池

屬草創斤斧聲未縮野蔓翳前庭中
函數株菊呼鋤不受柄善惡憂兩覆
賓筵煨苦預憐我歲不熟諸豪藹時
彥靈美競龜玉學山留一塵到海空
百瀆慙無歌舞伴漫有鍼石勗意闌
各東西微月耿疎木

送胡衍道

庭松雪外青檻梅冰裏白正堪頻把
翫何忍驟離拆我老如蛻蟬隨葉飄
重泉欣君整佩出直上穹穹天卓茂
冠天下王祥歌海沂奉璋承大禧顙
俊迪深知情胡萬

難齊理或一未貫中道不及伸偏質徒受亂同人當同
羣不止同其門衆金鑪鞴合一匠亲楠分惜民當惜農
不止惜其傭客主兩無怨政刑會時雍三年心所親臨
別語甚的已去寧再逢懷哉展其力

送吕子陽自永康攜所解老子訪余留未久其
家報以細民艱食急歸發廩賑之

收纓古蜜浦抱袂生薑門九九書自註邀余綴篇端久
衰余學廢彌隱子道尊時維冬雷數雲雪常晝昏火把

起夜色丁癸明齒痕小邦肥瘠闕鰕蛤濫充盤椒橙失滋
味糝絮勞傾吞詰朝報家問剪書徵阿孫苦陳鄉人
饑采蕨啖其根倉封井花滿淘米安得渾覓翁如覓
父願假東飛翰念之不遑處喟焉整歸鞍我老澹百
慮身世兩莫存欲私一壠潤豈救大培乾西城柳搖搖
北寺江漫漫勿令嗟來死以慰行路難

送葉任道教授之官靜江

太學奏文夸第一國子先生裏行立嶺南梅花太枯澁

花豈喚人人底急
爐亭雪深叫孤鴻
傳書為慙明光宮
雲翻雨覆古來有
不如堂堂金石守

送趙季清兼謝所惠詩

纍珠貫冰絲
耿光發沈淵
二千八百字
字字合管絃
想攢風前眉
應聳雪後肩
又言謫匡山
五老煙霞鮮
著書滿破篋
官冗鹽未煎
少遲了上信
別用綵繩聯

送陳漫翁

笠澤老龜蒙
蛹卧絲自裹
君從蓮葉畔
親領末後語
憐

我未得聞獨繭授長緒因茲服英悟郁郁副奇許士於
淪胥中搏手架欄柱一瓦不漂零百世保風雨轉圜信
無難滅木猶有懼高翔要深泳厚積堪重負狂波浸三
伏回壑萬流阻旅情方夷猶霽色待舒吐樵峯濃黑散
蓼岸微紅聚進舟石門灘小泊看佳處

送戴漢老

隱侯之郡成公宅詞流屈注回理窟前輩淵騫晚凋謝
後進由求早超絕聖朝論士皆公卿千乘何足留高名

春風無痕萬情化盡付雙溪舞雩下

孫祖佑解元世友堂

雀尋屋角穿燕繞簾櫳窺共賀新宇就生物欣有依舍
德厚乃祖義完嗟利墮最憐常熟令櫝韞不盡施溫恭
化羣從遜悌流深規一絲必同袍粒黍無異炊感零天
上露潤浹園中葵魚鱉雖芳鮮不如此菜肥涼風送佳
音桂林自生枝借子赤霄羽登君文石墀樸斲吁已勤
礱密審所宜諒為前峯近長映客星垂

丁氏東嶼書房

朝納櫺上光千帙亂抽籤夜挑窓下明一字究本源舊
師蚤傳習新友晚聞見隣里疎聚頭江海勤會面勿愛
好鳥羽勿玩芳樹林書亦且置之獨自觀此心茫茫未
生前寂寂已死後萬變隨雲浮朗月住中殼何物聚陳
列所從定何時孔顏雖去遠聞道命如絲白屋無怨難
朱門不驕易每留先人樸不忝素士志雁蕩繞長麓南
北峙兩門委和被多稼永祚延餘昆紅綠修岸容冰雪

淨空界蕙轉蘭亦回誰賦書房外

端午行

仙門諸水會流下瓦窑溝中有弔湘客
西城南北樓旗翻稻花風棹澁梅子雨
夜邏無騷音絳紗蒙首去

虎長老修雙峯

九州大麓標山經早與天地同垂名
雁蕩初傳晚唐世掩抑衆嶽夸神靈
豈非龍伯所播遷海水枯竭久乃成
窮搜石怪呈萬巧宛取物似羅千形
陰湫陽嶺何恍惚

紫光碧磬長磨縈夜隨王喬玉簫發曉答矩那金磬清
聞者未到意已傾往往夢想驅風霆西僧猶嫌憩寂寞
便房曲檻頻招迎強扶墜閣接雲漢却補壞壁回丹青
來車去馬謾孔總亭主自住誰為情

毛希元隱居廬山卧龍瀑

毛子罵吳曦蜀山渺孤獫五老急扣聘延留如大賓龍
分自眠地蕙帳饒珠蟻巖花開恨晚谷鳥鳴先春弔古
一沈思千載多逸民登高一長望萬里皆積雲子勇書

印歷憂憤著彌綸曷不草露布從容靜風塵低頭沒澗
曲煮豆箕為薪沮溺上之恥昔賢終賤貧

趙振文在城北廂兩月無日不游馬塋作歌美
之請知振文者同賦

馬塋東西花百里錦雲繡霧參差起長安大車喧廣陌
問以馬塋云未識酴醾縛籬金沙墻薜荔樓閣山茶房
高花何啻千金直著價不到宜深藏青鞋翩翩烏鶴袖
嚴勞引首金蔣後隋園摘藥煎凍酥小分移牀獻春酒

陳通苗傅昔弄兵此地寂寞狐狸行聖人有道賁草木
我輩栽花樂太平知君已於茗水住盡日鶻聲搖上渚
無際滄波蓼自分有情碧落鷗偏聚追逐風光天漫許
拋擲身世人應怒君不見南宮載寶回何如趙子穿花
去

周純臣子去病淑慧而短折賦以哀之

周子百未遇有兒慰眼前敢誇材調別自喜稟賦全其
守過老蒼其行通變權共看成早歲何意天初年汝昔

透胞絡衝風著筋攣和丹和乳燕煨附加鹽煎所投烈
藥盡始獲奇病痊隋和絕代寶氣命百分憐問汝今何
之幻影來無緣不許爺執捉壞滅同埃煙此悲信無益
此愛倍難捐不見趙幾道泣淚迸幽泉不見孟良甫叫
吻聒穹天汝爺自為銘志欲金石傳兼求我詩去刻在
墓門邊

送盧簡夫

子昔葦間從我遊未曾一詩相報酬文杏將非廟廊具

澗瀨況是王公羞子今歛往西湖上靈雨綵雲供筆仗
深思直道佐明君蟄雷震空天下聞

贈祈雨妙閣黎

雨慳水澁從季秋倏忽春半河斷流有僧了妙能禱祈
直云天閼非人求朝誦呪夜安禪十陰九暗來纖纖呪
光禪寂轉相發潤澤徐乃通幽潛我老拜請良獨難香
煙鬱薄重霄間旁搜潭洞攪龍蟄鞭雷走電開天闕天
意豈令一犁緩人心正待百渠滿補天不及人未知禪

心沉寂嗟爾為

寄題朝宗新樓

昔時師友尚草創憶子諸父勤磨礱春臺自令車馬絕
桂樹未厭鈴旗重侵雲切月絳一炬擁坐排簷青幾峯
莫云空洞豈無物讀徧五車江水東

和汪提刑祈雨

感格誰如汪仲舉步虛未了龍來語會稽秦望都洗清
越人喚作提刑雨我慙老惰無精勤累月喚龍龍不聞

水南早禾貪結實一夕爛死為泥塵

蔡尚書輓詞二首

總角都鰲頭老生甘服膺白首參豹尾後出夸先登東
流看到海北風忽成冰茫茫落簷花窮巷猶短檠

撥沙得黃金百鍊瀉光影飛行日月上瑩徹肝膽醒空
山慘馬鬣何意重為壙余哀不浪施留寄長夜炯

題處州翔峯閣

九盤在州中萬山來四遠納於牀第近尋丈未為褊日

光既熙麗風氣亦清展悠然不離席所得甚宏闡隱峯
招伏岫騰躍俱赴眼下視田中禾藁粒猶可見臨觀要
親切亦復貴渺緬峽山絲線窄嶽極瀛海眩君看齊雲
上往往無際限何當躡蓬萊一汎五湖淺

讀王德甫文卷因送省試

曹頭文之病教脚最所患軒其奮勇果搨復墮衰懦伊
人殆天力卓地挺脩幹歛入巖雲幽倏出星極爛儼如
姑射女娣姒俱整粲皎如珊瑚樹塵垢拭杯案昔夸新

龍首伏呂較早晏又推舊留川耄老終佐漢況今未六十急用豈為晚行當奏苦疏朗壓諸儒冠

王宗卿答春堂

春以喻母慈慈深春不如兒欲答母恩恩重答無餘華
堂頓有雲嶺隔夢裏分明與親劇阿連進奉新批勅翠
裘黃簡緣兄得朝騰巽章乞祠官願身暮歸怡母顏老
農邀君勿輕去萬紅千紫扶春住雨田自種晴田收好
是天留答春處

送葉路分

猺啾獠唧聞鳴琴十指如玉無哀音應憐聽者未洗耳
衡山高兮湘水深君今幅巾鵷鷺行切勿著帶貌虎傍
軟荷刺少離棹短柝桐穎多班露長

答李制置

鼓槌恨不投淮流復傳侯摯能狡謀西州卧龍出長算
朝汎清洛暮營丘禹跡芒芒草萊遠實邊正在耕耘滿
中庭雅歌自有節豈效淫聲催煞滾北平漸車淖不通

白檀可越時未同待公刻就燕然頌我亦嚴駕期無終
林叔和見訪道舊感歎因以為贈

與子異州壤取友四十年狂心早探索出語乾道前向
來朱建安拊手笑淵源小心承父昆刻意希回騫不求
壠斷登有路直如弦計其所不為敵富逾百千衆駿跨
險遠獨鵠超渺綿謂當共驂服可以爭聯翩誰知竟大
謬寸影孤雲邊南省無姓名俛眉自愁煎家蔬僅掩豆
野蝗來蔽天過我城西隅相視各華顛寒菊已收花枯

井未回泉人生寓地上蟻垤交折旋中間較得失區區
等浮煙喜君佳兒姪放筆追奔川許身若卧龍斬蛟透
重淵所虞氣力豪未受規矩鑄過翁非止肖奕世始稱
賢從今掩蓬蓽同賦歸來篇

上灘

篙師上灘時面作石蟠樣及其進尺寸乃在一偃仰神
禹不到地狂流終播蕩逆順本天力人謀不相讓苦戰
排三軍勢壓票姚將身在亂石中傾覆堪指掌誰云

何天衢鼠徑斷還往

五言律詩

高宗皇帝輓詞二首

何止超前代功隆道更尊
幾同造區夏還復外乾坤
黃屋堯年度青山禹穴昏
遺民猶望幸淚血灑中原

河濟初開府江淮晚視師
纘戎繇子聖永命獨天知
鶴唳空虛警雲生仗自移

時厭代之夕都下相傳有綵雲翔鶴之異

上哀何以

稱卒代繼周時

孝宗皇帝挽詞二首

儉德加文意雄才自武宣道終遺萬乘喪制盡三年時
乞遺黎命常持復漢權全將一孝字高謚百王前
昔年叨上殿歎息動宸襟豈不人思奮其如天意深帝
王猶遇合南北限升沈尚有登遐日諸軍特賜金

吉州刺史蔡直之挽詞二首

領閭號親貴光宗始用儒諒惟醫國手果驗活人書負
郭可稅駕行田宜蹇驢相看滿川月無計遣長鬚

能事實偉甚謙終尤罕聞忘身賓出日斂手避浮雲天
欲開昌運人誰靖楚氛未刊千字誄長掩一丘墳

陽復

陽復冰潛動雲衰日界明近傳新詔綽重起舊簪纓斗
極回東指軍容直北營龍蛇多變化旋日看超昇

送鄭丈赴建寧五首

過家鄉里敬將母士夫榮得失從人論行藏獨自明百
年中古少一笑萬金輕廉士吾何敢新茶可擷英

有志雖身健開心在歲寒一時諸老盡多見大名難湖
海方連旱甌閩適少寬為州人不乏千萬強加餐
清廟圖書寶熙朝雅頌音頻繁三節名荏苒二毛侵衣
食家纔足丘園意亦深卧聽牀下士時作武侯吟
海內言華萼功名動搢紳十年長隱吏一語必驚人酒
量新來減交情老更親公知如促膝剩把古書陳
屏棄誠愚分牢愁更索居若逢知己問猶解課兒書地
僻門長閉年饑菜自鋤相望無一事不是故情疎

哭鄭丈四首

道義秦城重聲名冀馬空河汾談聖制鄒魯振儒風有
學堪經世無官可效忠浮雲公豈計吾道自憐窮

誰謂居今世無由見古人事親曾閔上遊世葛懷民德
盛天為侶慈薰物與春清風如尚想猶足洗囂塵

插架軸三萬撐腸卷五千京都通百郡溟渤滙羣川深
淺人隨沒東西意各便後生無復見媚學謾蹉蹉

憶在諸生列曾窺太史書泉蒙煩濬達質槁費吹噓外

宅寧成相生芻早弔間臨風兩行淚愁絕向輶車

何叅政挽歌三首

退食勤稽古當朝動引經人心喜偏側國脈要勻亭二
府早聞政三孤晚告靈羔裘惜光彩不肯到頭廳

晞髮滄浪上灘聲近廣騷綠圍齊長柳紅糝半含桃欲
寡堪增壽閑多更養高佳哉鳳皇墉悲甚付烏號

宿昔叨殊眷尋常款直廬聽雞催謁駕立馬待紬書零
落誰存者追尋昨夢餘何曾嗔石介韓愈自狂疎

送陳糧料

萬里渥洼出行天絕比倫能參大關鍵莫用小精神鍾
鼎身雖貴簞瓢道未貧梅情兼雪意留住恰芳春

題費肅校書遺事

欲識隱居者當年費懿恭却辭金馬直歸卧錫山峯兩
詔終不起一瓢長自從兒孫盡登第勿剪舊栽松

送鄧諫從制幹

援引亦未力聲名空復傳終攜太平策還上蜀江船帆

色掛曉月艣音穿夕煙滄波不盡興收拾浣花邊

題柳山人壁二首

水北柳六一家傳擲卦靈秋清演漁曲春近著牛經掩
肆花竹秀排門柑橘馨應憐喜功者虛要峴山銘

我病屢移卜山人不面謾常言千日厄未許一朝安地
上庸醫滿天邊惡曜攢歸根與復命自笑此何難

致政通直錢公挽歌詞

蕭瑟梅花隴豪華不復還好兒須萬石廣厦剗千間

盡與詩書癖勿令紈綺攀傳家自翁始留筆記池山

亡友項子謙兄挽歌詞

疇昔省君病小車隨酒壺心惺賞文句語蹇困喑鳴念
子堪垂泣纍然失壯圖唯應看幼子空手縛於菟

待制中書舍人陳公之亡以山宅須利既遷殯而

未葬也後五月乃克葬焉二首

後一首七
言律附

可怕陰陽惡還驚日月遒終成埋壁去不作坐禪留雨
洗一簞淨風翻千橘愁門前繫船楫宿鳥漫啁啾

嗟我與公同澹泊一生一死又淒涼經綸傳世上於此
老病著身行自當掛壁斷弦從別調拂天野水渡新航
暮春未有風雲伴且閣遺編住冢傍

西山

對面吳橋港西山第一家有林皆橘樹無水不荷花竹
下晴垂釣松間雨試茶更瞻東挂綵空翠雜朝霞

看柑

窈窕隨塘曲酸甜在橘中所欣黃一半相逐樹無窮習

啖成真性悲歌記土風慙非美人贈採摘恣村童

贈杜幼高

杜子五兄弟詞林俱上頭規模古樂府接續後春秋奇
崛令誰賞羈縻浪自愁故園如鏡水日日抱村流

待制湯公挽詞

縲藉知良玉薺鹽是大儒單傳合上相小却但尚書蠹
簡同歸處遺簪任翳如西風好溪雨漲淚濕塗芻

吳叅議挽歌詞

冉冉試百巧栖栖終一丘死期甘慟哭時事不勝憂貧
只藏書在恩將別業酬看君用意絕身後令名留

冲佑大夫鮑公挽詞

幽人眇何在高閣鎖重關梅冷橋邊月菊殘籬外山可
憐清絕地長憶笑談間寂寞私鹽港漁樵自往還

雪後思遠樓曉望

臘盡凍初合風花江欲平急從高處賞已向歲前情莫
與鬢爭白試將身比清樓頭接遠岫歷歷正分明

宿覺菴

宿覺名未謝殘山今尚存暫開雲外宅不閉雨中門
麥熟僧常餓茶枯客謾吞荒涼自有趣衰病遣誰言

贈勝上人

近日能吟者黃巖說勝師語生兼老筆體重帶幽姿
遣臘冰千筍勾春柳一絲方山最高頂不擬到茅茨

朱文昭母楊氏挽詞

文昭有賢母白首教篇章義並三遷峻書成百卷長古

今歸石室筆削紀萱堂鹿擾烏馴處森森宰樹蒼

冲佑安撫郎中張公挽詞

誰憐張太守思職更憂邊濠水中間月光山盡處天人
應迷往事我獨採遺編莽莽乾坤裏冥知想慨然

縣尉林公挽詞

恨取一官晚公人未展衙空傳讀書苦留與後生誇有
子聯三俊成名王兩家會須酬貴骨野燎報宣麻

陳侍郎挽詞

生死悲歡地長嗟付短吟北門晨鵲赴西甸晚鴉尋三
品官名重千年墓色深廣東正思憶淚激海潮音

太令人胡氏挽詞

已刻溪西誌潸然淚滿袂軻喪嫌後侈參養要前餘甫
里送錦纜館頭迎布車為題楓葉往蟲籀不成書

題張提舉園

竹外萬雲合荷心一雁來若無歌舞間應有鬼神猜野
岸鋤難遍幽根煖易栽前山未放入好閣更南開

送謝希孟

白頭超幕府早已負平生未放鵬舒翼應須驥斂程
驛梅催凍蘂柁雨送春聲為語常平使開懷待子荆

送周子靜

地深湘渚浪天遠桂陽城故里楸花別諸生柳絮迎一
變開跡後六舞待時行子自調新律吾衰閱舊聲

林處士挽詞

尚平接馬弟髣髴記前身海濶元隨浪山高別領春難

招古渡外空
老夕陽濱順性無生滅
君應了正因

錢知縣挽詞

送子三為邑十年嗟往來
誰言債難了不與命同回
卓魯終留愛龔黃豈蔽材
雲愁且暮雪雪打又添哀

送潘景參

久自知潘令經曾薦禰衡
居慚薄氣力何以助聲名
松栢非無歲鹽梅會有羹
又從沙際別把酒候潮生

贈徐靈淵

歐虞兼褚薛事遠跡為塵今日觀來翰如親見古人盡
歸嚴號令富有活精神碑板荒唐久遙看走四鄰

戴肖望挽詞二首

巖巖蕭太傅謇謇鄭尚書可惜流光晚翻無急詔除交
情梅藥盡哀意柳芽疎只有安江滿長涵夜月虛

老失平生友悲尋路轉迷水肥應返釣田瘦合歸犁草
與地蕭瑟雲垂天慘淒無因再商畧短日送寒雞

徐靈淵挽詞

自卜西南宅始聞幽賞多山供映門樹水獻捲簾荷近
局棊頻賭隣芻酒屢歌誰云祕此樂拋擲與流梭

包顯叟挽詞二首

風沙江上宅斥鹵望中村密竹元遮徑崇蘭早映門笑
談看磊落材力可騰掀誰復知心事滄波霧雨昏

養志諸郎事專經永夜殘雖云綠衫易更覺綵衣難客
散棊奩閉庭虛酒盞乾無言慰孤苦持此問漫漫

林敬之挽詞

維還新河市酸寒處士廬甘辭魯穆饋獨著孟軻書籬
壞從兒補禾荒付客鋤永嘉新有志莫遺姓名疎

王運使挽詞

鐵騎昔逾塞三邊各受師共傳君善守能護國西陲卿
秩恩雖早郎班詔已遲須將未盡賞酬折在豐碑

薛子舒罷官久無所授端明得謝始換承務郎
男子行藏地自求難問天空多賈誼學突過馬周年願
改京官後常趨黼扆前太平如致了別造會昌船

贈呂縣丞

自得長官後邑人詩轉工批書月屢滿覓薦歲常空柳
已如藍碧桃元勝錦紅終歸剡溪上舉棹謝東風

詹魯山解元以壽母求詩

九十人稀有追懽盡素金猶嫌兒舞拙不怕酒行深寄
鮓未垂訓設雞先賞音維舟橘花晚霧雨巽前林

贈蔡茂材貫之子與

蔡家五千卷藏向石菴中講誦令幾日飄零隨隕風隔

垣孤響度別井暗泉通安得無爻象與將吾道東

余知府挽詩二首

壽者福之首中兼典郡來聖知天上事磨盡世間材此際靈龜往何方化鶴回所親都不恨有識自興哀

憐我抱空意鬢間饒白絲已從真率集那復少年時柳
穆春前葉松鏤雪後枝建炎無故老難話省方悲

趙知縣挽詞

僧館經年學書籤盡日抽空聞割雞笑不見化鳧留瘡

月曉還落蠻雲冷未收西華夜來雨洗淨一生愁

趙清叔挽詞

昔我共筆硯知君賢弟昆門邀百客醉囊諱一金存忽
與鐘聲近長悲磬色昏多年趙家府銷減惠王孫

贈聽聲歐陽承務

無心立臧否有術驗榮衰舉世聲中動浮生骨帶來彈
輕知福地欵小應靈臺笑我老何及是身惟死灰

送包通判兼寄滕季度

風雨逍遙地衙排印麓新鈿車分路濶寶瑟聽歌頻燈
市曉侵月花田晚占春却過張翰宅方信有閒人

趙尚書挽詩二首

材業將時偶聲名鬪寵新文昌留不住大尹政通神力
說和我好從撩相國嗔春花插秋鬢還得自繇身
江北江南曲吟高許和同相迎黃篋浪失笑白蘋風老
病猶貪活漂零各隕空長懷洞庭橘買宅傍牆東

周宗夷東山堂

城嶂標辰極誰家特有山偏憐東崦好只對此堂閒動
石低簷住流鶯拂檻還仙關鎖瓊海幽夢或時攀

丘安人挽詩

左司遺事遠介婦古風存業廣添新宅儒多起舊門真
亭留壽影雲物護山原我欲攀車別衰殘阻故園

題郭希呂劉詠道游雁蕩詩後

隱劉甘隱淪老郭亦離羣自鎖魚亭月同穿雁蕩雲排
峯造龍質懸水迸簾紋百種聚奇怪從君句裏分

送戴宣子

為愛千竿玉垂陰似古城弟兄俱挺立文獻各標名握
粟親年晚浮家越浪輕相期早得意還伴此君清

題仰孝廉事實後

孝子久傳名誠通物表靈當年虎失猛此日竹還青墓
壟無留菽庭荒枕舊廳惟存古題誌寶惜勝如經

贈盧次夔

家住東郊深能詩人共尋水梭間道錦玉軫斷文琴城

漏宵添滴牕花晝減陰新涼白頭句清甚費悲吟

送趙幾道邵武司戶

無灘秋水平有句官曹清楊柳欲落盡菊花愁晚生書
多前益智文古後垂名功到濶深處天教勤苦成

常德郎中林公挽詞

結佩聲名遠懷沙興託深惜無長綬繫終使夕陽沈蘭
省空頻召桃源不再尋雖傷有北毀難減是南金

贈鄭秀才

文苦意尤切色低聲轉微三生住淺土一竈阻深歸藝圃筆鋒掃侯門塵柄揮何慚素車集回繞絳旌飛

贈李秀才順之

怒漲爭茅竹安流節斗門行苗存水則縮板護河源士李昔陳義守奚能聽言便當生廟食禾熟賽雞豚

送侯居父

宅古竹陰晚書殘燈焰稀深知靜者趣轉益宦情微別殿行催甲休工坐掩扉御前清切地重得薦皇闈

贈高竹有外姪

娶女已為客參翁又別行
相隨小書卷開讀短燈檠
野影晨迷樹天文夜照城
須將遠遊什題寄老夫評

贈夏肯甫

自識賢尊熟常將遠到期
忽傳千古信虛抱一生疑
恨菊來何久愁梅去轉遲
應留起春蟄詞落未堪悲

趙知府母齊安郡太夫人挽詩

生死已無憾
杭人休淚傾
惟留不盡德
常動故鄉情
霜

淨水方落風高山轉清閒思與令子幕府再同盟

沈氏書堂

應與石渠並又疑金匱存曬書天象切浴硯海光翻我
老行罷讀君材重細論猶言無一字大道始歸根

薛子舒墓

悵悵西門路樵歌占晚雲
燐迷王弼宅蒿長孟郊墳
少病憐醫錯題書與父分
又言重把筆兼欲使余聞

項君先有幽興堂其子木即以名菴

平生意外事身後有誰知
魄靜雲稀出神游月共移
春茶翠旗展霜荔錦幰垂
更欲添幽興惟消桂幾枝

施翔公掌教長沙

著蔡義前識簫韶舜後音
追回賈誼貶喚起屈原沈
湘水汀煙潤梅花署雪深
余行陳迹久因子一微吟

送劉幾道惠安尉

少年嘗苦節從我北城隈
麗日明文苑繁星讓斗魁
垂垂綠綬晚冉冉白絲催
更莫游仙去鯨波奏凱回

送陳約甫知永豐

四十未朝蹟三經綰縣章
嫁頻知子熟醫老悟身嘗菊
趣行時色梅催到日香還欣
肺氣減中熱變為涼

王祕監令人挽詩

頗憶朝除禪俄驚夜徹帷
自堪從子住何用與夫歸起
隧新藤茁重輦宿茵排通家
只今盡老淚逐風揮

奉送周知錄木叔祕監其舅也

謝傳悵何遠羊甥良自嘉
帝鄉沈迹顯閭戶衆縲誇釣

冷客星雪林疎處士花衰年怕分手閒發岸頭沙

葉路分居思堂二首

葉媼開新學同人飯野蔬明經傳一相考古付三餘苔
色迷青簡蟲文蝕素書君能葺遺址堂宇勝於初

苦說諸梁後簪纓富遠孫白袍雖屢捷黃榜未霑恩淡
沱磨冰硯蕭條倚帳門嗟余忝宗末老病不堪論

葉文翁再薦不中第駐兵永嘉暇日必從予游博聞
善論而恂恂衆人中無異寒士初衛國夫人黃氏君

之五世妣丞相顯高祖也少而嫠居建義學以教後
進丞相既貴以為夫人之報焉君因義學故基作居
思堂請予賦之嘉定十四年六月

王通判挽詩

祖德風規近詩流句法超已多山邑政恰少省郎招旅
館身俱寂傳家道未消長令漢楊震名逐左原標


林簽判挽詩

作邑有何好利民翻害身怕回湘水月驚失象臺春墓

草已多碧園花空復新更嫌鶯自語幽憤不勝陳

送張知錄

闕閱飛龍後家聲入館前身饒太常第客欠廣文氈流
落無先譽遭逢有宿緣炎洲路多少謾數去鴻邊



水心集卷七

欽定四庫全書

集部

水心集卷八

詳校官庶吉士臣范逢恩

主事臣呂雲棟覆勘

總校官知縣臣繆琪

校對官中書臣王璫

謄錄監生臣史映綠

欽定四庫全書

水心集卷八

七言律詩

送鄭景望二首

兩地旌旗一閨中
十年監牧九卿崇
安輿遍就東南養
遺俗將陶雅頌功
愛護元身如寶玉
節宣時序戒螟螣
遙知獨上千山路
處處梅花逐煖風

宋 葉適 撰

江左諸賢盡凋落邇來名字未深知願公年德加前輩
救世勲庸莫後時國重四維人建立天還一統道藩籬
彌綸康濟何曾極自古忠臣不遠期

曾晦之挽詞

交游盛處失駢駢筆硯窮時綰碧藍驥老尚能舒駿逸
龜潛終不慕芳甘壽過八十人人羨恩在鄉閭事事談
埋没平生無限意夜深樵唱起溪南

次韻喻叔寄九日

遶湖秋色去茫茫塔立峯端表自強因上岩堯覽吳越
逆從開闢數羲皇暖風駐帽嚴公會早閨勾花絆客觴
閒却陶潛玩幽獨可憐車馬共誰忙

中洲處士折梅花并新語為贈率易鄙句為謝
中洲之中十樹梅蟠枝着地照蒿萊即非無主憑誰伴
自不衝寒要早開午蝶只隨游子意暮笳難寫遯夫哀
幽懷寂寂天應笑插向歸帆雪滿桅

送劉德修時在京口

日日秋風江倒回江邊執手重悠哉兩山只欲當中住
一舸還應却下來說與蛟龍息豪怒亦令鷗鷺少嫌猜
吳頭楚尾何時極拈就前詩併展開

送范文叔知彭州

君今結束歸何勇我獨棲遲去不能江水入冬猶浩蕩
風帆逼歲合騫騰相逢論事信徒爾清坐矢心嗟未曾
想得彭州退公後夜窻重整照書燈

送潘德久

每攜瘦竹身長隱，忽引文藤令頗嚴。
聞道將軍如郤縠，不妨幕府有陶潛。
江當濶處水新漲，春到極頭花倍添。
未有羽書吟自好，全提白下入詩奩。

樓參政挽詞

外補何多只近州，却於中禁賸淹留。
晚參國論非無樂，苦說時難更有愁。
天下知心古來少，人間此夢覺應休。
自嗟不識鄞江路，清淚因公寄海流。

無相寺道中

傍水人家柳十餘靠山亭子菊千株竹雞露啄堪幽伴
蘆葍風乾待歲除與僕抱樵趨絕澗隨僧尋磬禮精廬
不知身外誰為主更覺求名計轉疎

趙路分挽詞

平生王孫忌太康承家孝友更溫良鴻冥鵠舉須言命
桂死蘭摧不斷香古有失時堪恨惜今從虧處取酬償
佳城況遇朱公子大旆高牙屬令郎

陳益謙挽詞

余與益謙居相望疇昔雅相揖而已益謙死其子以書求哀挽言君之材與學皆余所未知也訊之王成叟信然乃為作此詩

舍南巷北水同流稻菽參差各自謀不料多材能轉物更憐無地與伸頭蛛絲委架詩書慍鷺羽空陂菡萏愁好在夜深明月滿人間地下兩悠悠

寄呂巽伯換酒亭

瑯琊初址未完牢猶倚虛名用我曹自可全將醒前了

何因偏向醉中逃艱危未肯當時共誕逸空傳後代高
還有遠孫留墓側繞亭寒葉夜騷騷

併工

併工催作趁春前又值春歸一莞然新筍頓能長數尺
晚花寬與待明年回廊寂寂為苔地後塔陰陰造雨天
坐睡不驚還自覺鬢鬚將老到衰邊

菊花開送徐靈淵

白頭幾度重逢九方是今年種菊花衰病自憐何處看

馨香聊向小園誇
討論搖落生光怪
暖熱風霜與麗華
正好行吟君已去
別移秋色付誰家

次韻韓仲正

塞戶低眠畏北風
詩來喚起自江東
林迷久已隨甞鹿
磐止何曾有漸鴻
常日錐刀希楚富
千年鉛槧諱丘窮
莫將新意翻碁局
一等成虧付國工

齊國太夫人挽詞

風樹秋悲乞暫閒
壽星霄隕幾時還
子同房杜經綸地

夫在荀陳伯仲間恩重七封開表海行高三美勒名山
猶言未足平生養看即元台恨莫攀

安撫待制侍郎徐公挽詞二首

玉質金章映海濱養成天德異凡倫曾顏窈渺闕前聖
管葛麤疎付後人惆悵窮途三訖癸吁嗟厄歲再逢寅
送公何物堪將去留在埋銘石色新

飲冰那得不醒然北看成南醜又妍建策須為萬世慮
孤忠亦有一身全星文忍向前墜夢事方從死日傳

莫指鳴山歸路熟青林黃葉度年年

許相公挽詞二首

容成堂上光華別謝客巖前意象閒身到三台良未滿
年添九老定誰慳高期落落塵囂外苦論喧喧醉夢間
我欲為公深著語桂林芝樹不同刪

行露空多曉色催夜香燒斷作飛埃松江鱸好憑誰憶
金谷花濃只自開玉女雲中應盡去仙人霧裏更重來
千年一判禁銷得涕掩寒塘錯莫回

送丁子齊主簿

明經六十未收科自取南宮計若何來歲須將一戰霸
浮家今厭百程過預愁菊葉行中破還喜梅花到後多
從古功名致身早誤隨陶令晚蹉跎

丁少明挽詩

枕冷秋山不記年時時逸想醉看天吟成絕妙驚人句
散盡麤浮使鬼錢萬卉有情風煖後一筇無伴月明邊
新來王子碑能說筆意堪將此共傳

宋仲方遊吳袖文索詩為別

九曲絃歌滿巷傳
儒林聲價有誰先
昔憐少學隨翁久
今喜新文信汝賢
刪後畫前元未聖
南花北葉定誰妍
終期猛進一篙力
透過龍門急水舩

毛宦夫挽詞

我昔髫年侍此翁
自甘窮僻古人同
道修白業曾先悟
官近青雲却未通
庭長嫩蚪新戲雨
徑存衰柳舊搖風
世間榮落私情盡
留得清名是至公

直院中書莫公殂往哀痛不能成文輒留小詩
靈几并致鱸魚金柑為奠

閣老今無地上身黃麻紫誥兩沉淪
虛懸東嶺來時月難挽西山去後春
試割冰鱸猶脆薄重飡野橘尚甘辛
最憐趙子同心事相看題封淚染茵

薛君季常挽詞

汨羅謾隕離騷經伊洛源流今更清
自別三年無信息忽驚一日有銘旌
乾坤未放虛空壞蠻觸猶須事業成

桂樹團圓半丘土春風還許為君榮

題彭澤縣尉廳林壑之勝

彭澤西山天祕惜淵明未敢發幽緘始從石尉兼王尉
洗出前巖到後巖也只暫時供步履可能終老却朝衫
應須却誦歸來句重把家園草自芟

送趙提幹

與君中外情偏厚嗟我龍鍾志已摧豈有尋常墮泥滓
不教宛轉助風雷花枝買笑前村趁柳帶牽情別浦催

細雨酒亭東望處應將新語寄潮回

賀縣尉

端龐還有北人風大雅元非楚士同此日深探應徹底
他時直上定摩空離家杳杳百灘外過我昏昏三伏中
籬破屋荒無路入荷花招手席門東

送曹潛夫

東南作闕數年徂遠遠參司到蜀都元帥幕中須受辟
生羌界上也分符閒吟杜甫詩千字時載揚雄酒一壺

只我衰殘望君切杜鵑聲裏認歸塗

謝李參政因送曹瀘州寄簡

大厦元須獨木支李公補處屬良時
千年立國唐虞上一念勤民禹稷思
恨昔寡聞空自誤況今消盡有誰知
雙鳬雙雁蕭蕭影孤嶼亭邊正著鵝

贈李秀才肖舒

帆來帆去海中山自笑臞仙歲月閒
忽值巡遊防豕突也叨扈從識龍顏
寺傳弓劍烟嵐外門掩詩書浪泊間

待得諸孫上金榜九重高拱報堯班

郭伯山挽詞

兄弟窮經各一時百年義塾尚留炊講燈常照鶴窺坐
壇杏半紅猿揀枝未奏邊功明主惜將成京秩故人悲
挽君已老應先盡安得埋銘更後垂

題王叔範自耕園

自耕不要從人得知在廬南第幾街吳地于今說佳麗
浙人自昔巧安排包留花竹春留巷謝遣蒲荷雪滿涯

必想新園名字出故時臺館半沉埋

福國太夫人陳氏挽詩

曾經天語贊華簪應是忠多報獨深寂寂孤鸞羞鑑影
輝輝雙鳳失梧陰沖心自與家規競空性都無世網侵
聞說埋銘親付祝照碑斜日下寒林

送郭黃中

雁山削玉上青雲仙侶常游遣俗紛飛鳥可無能少駐
洞簫何幸復親聞看承下戶恩尤重賓禮高賢意自欣

忽憶門西貧士宅
蟄雷繞甑黍初饋

劉孺人挽詩

嗚嗚當年女手縫
一家從此更雍雍
性安於善行無迹
兒自為銘筆有蹤
聞說湖清見龍首
還疑墓長冪雲峯
哀情變化何終極
留澤凌霄絳遠松

張提舉挽詞

令祖親扶日馭升
孫今喜復似翁清
恩波再入淮流滿
信節初傳嶺外名
夏木千重添野趣
秋風三疊寄幽情

長年慣唱漁家曲難聽茲晨薤露聲

薛端明挽詩二首

可但補闕名官日不逢引裾強諫時上朝有疏天常納
下殿無行誰獨疑論道何如出綸晚督軍頗嘆封侯遲
凌烟畫手今寂寞豈翫林高荔子垂

冰稼初融闕月沉英豪四坐地爐深爭看麈尾頻揮處
難了朱絃未盡音恠我輕談當世事知公默會古人心
空山穩對梅花宿錯向林逋墓裏尋

送林子高

老我追隨亦賸人，研軒標格久成塵。
意先遠水常趨海，節與脩篁自作筠。
諫苑舊知欣有信，漆坊新隱嘆無鄰。
梅花應待行時發，野岸山房探得春。

塔頭林君挽詩

之河繞浦各紆縈，結束樓臺穩更清。
全與好人修實地，任教流俗趁虛名。
兒應自了書林債，淚苦還滋墓栢榮。
今歲田荒望周急，鄉村憶着倍關情。

題劉潛夫詩什併以將行

寄來南嶽第三藁穿盡遺珠簇盡花幾度驚教祝融泣
一齊傳與尉佗誇龍鳴自滿空中韻鳳唳都無巧後哇
庾信不留何遜往評君應得當行家

送宋知錄

與子比鄰計未疎河梁新駕月明初老人輕作三年別
強記難忘一覽餘節相喜材添局務寺丞引類惜朝裾
只愁戀着衙樓好回厭家山道不如

和王宗卿白兔詩

鴉帶初陽照廣津
兔隨斜月滿虧輪
瑞登韓筆名尤重
喜動歐吟事轉神
不道竒毛妬霜雪
應知雅意合松椿
龜年鶴歲猶嫌少
獻與尊堂別紀春

李處士挽詩

憶吟詩句與君兒
曾說高宗涕自揮
兩地兵休重富樂
百年家活共輕肥
多留螢火明書案
閒著漁蓑傍釣磯
身內已無塵土僻
霜肝雪塢送將歸

衢州雜興二首

玉斫朱兮不可尋
暖風催綠麥成陰
越山行盡見平野
江上水流無逝音
地跨京師都邑壯
俗兼吳楚智謀深
詔書寬大邦人誦
知有賢侯綏轡臨

樊梅野雪掃成泥
桃李紛紛照舊蹊
行子束書輕馬
主人炊蓐候鳴雞
百年囹圄荒蓬藿
萬里耕桑接町畦
堪笑腐儒何用此
只今飄轉楚江西

送劉晉卿

草黃木脫何所適使我感嘆生百疾天驥屢為駑駘笑
良玉空遭砭砭黜少年壯志思絕塵只今作計常後人
明堂巨棟吾何有護竹養花甘隱淪

七言絕句

題閻才元喜雪堂三首

東來十月黃塵滿霰點霜花總未堪恰是使君誠意足
帶將臘雪赴荆南

平壓龍山五尺危墮鳶何處避陰威漸令融罷春泥輒

麥浪黏天燕子飛

簷角低猥小凭欄霏霏只合對高寒他年認得名堂意
不作銷金煖帳看

除夜元日連登煙霏樓二首

巖巒寬去靈虬寺水竹低橫處士園此是蘄州無比好
亦如淞下好山川

摧荷禿柳不勝春脈脈荒堤數過人我若有材能速化
應將地巧答天真

元夕立春喜晴於是郡人久不出矣三首

膏火無光已累年
歡娛少味是窮邊
強吹簫鼓迎烏帽
勾引遊人近酒前

十夜茅簷宿凍雲
商量送臘又迎春
併將束葦熏天焰
回得陽和捧日輪

艾褐家紬濶濶裁
抱孫攜子看燈來
餘甘暫棄從教覓
莫鬪機心漫自猜

岷江愁二首
挽陳持中知府郎中嫂恭人

岷江諸峯如獻酬
岷江潭頭紺碧流
不愁水生勸人去
只愁人死送山休

誰家雙旆揚春波
黑頭中郎宰相科
有兒有女後應好
同穴同時今奈何

劉高士自畫琴橫膝前對雲起求詩

試向遮巖擁壑時
弄絃調軫按前徽
未須寫就多情曲
饒與閒雲自在飛

水心即事六首兼謝吳民表宣義

生薑門外山如染山水娛人歲月長
淨社傾城同楔飲
法明闔郭共燒香

我久無家今謾歸賣田買宅事交違
填高幫濶為深費
柱小簷低可厚非

雖有蓮荷浸屋東暑煩睡過一陂紅
秋來人意稍蘇醒
似惜霜前零亂風

拒霜旋插花疎疎甘菊新移日曬枯
花草只今如此在
幾時寫作會昌圖

聽唱三更囉裏論白旁單漿水心村潮回再入家家浦
月上還當處處門

吳翁肥遯逾七十木老芝荒手自鋤
惠我篇章成錦字
西鄰得伴亦堪書

詩悼路鈴舍人德久潘公三首

詩人冥漠去何許花鳥相寬不作愁
耆舊只今新語少
九原喚起韋蘇州

風騷閩域自難親隨世聲名未必真
更遠更疎應不在

山謠水語記精神

憶昔論詩不自鑄上規雅頌復誰先此絃合為何人絕
重撫遺編一慨然

柯君振相別三十餘年為言親喪不能舉請賦
此詩庶幾有哀之者

土淺難藏夢裏身春花秋草幾悲辛無人為買南山櫬
月戶風櫺作好隣

橘枝詞三首記永嘉風土

蜜滿房中金作皮人家短日掛疎籬判霜剪露裝船去
不唱楊枝唱橘枝

琥珀銀紅朱是醇私酤官賣各生春只消一盞能和氣
切莫多杯自害身

鶴袖貂鞋巾閃鴉吹簫打鼓趁年華行春以東崢水北
不妨歡樂早還家

贈某道人

赤脚蓬頭古觀旁沉迷人海意茫茫公卿見了無奇特

更說長生別有方

過葉威仲不值

菊苗新擢馬蘭叢
柳老吹花拂掠空
聞說先生過山去
釣絲無主繫東風

余泛舟不能具舫
創為隆篷加牖戶焉

雖然一槩匆匆去也
要身寬對好山
新拓篷牕高似屋
諸峯獻狀住中間

鋤荒

鋤荒培薄寺東隈一種風光百樣栽誰妬眼中無俗物
前花開徧後花開

送朱相士朱文昭族孫云得劉碧雲相法

南蕩書林長砌蘿碧雲鞋底曬庭莎從今湖海須行徧
眼法雖親要看多

潛經閣

當日先生住一軒手抄六籍自忘言至今遺墨如新寫
付與樓居四世孫

題施紙被蔡宣義所藏孫太守褒諭帖

乞子勦勦暖凍軀押衙得得奉親書孫公已去蔡公死
近日鄉人嘆不如

劉氏女自誓為尼憐其操者幸助成之

漢上洪波不可親夔州華髮自嫌貧世間浮想如枯蠟
還向虛空嫁此身

送蔡學正

鍊盡剛成與物和崢嶸夜氣合清磨好溪新漲連天綠

近晚無風亦不波

奉酬般若長老

簡師詩語特驚人六反掀騰不動身說與東家小兒女
塗紅染綠未禁春

營師常秉燭為人說氣色戲成此絕

曙色熹微已出門擘浮熱眼相旁人不如睡足朦朧起
留得沉光看本身

衆議留李師煉丹既而不果

火養經年永未收
病身還向急時求
道人別覓安爐地
今夜潮平下館頭

下僊看梅二首

背人遠住奚師塢
何意追尋特特來
更要明年此時節
溪翁相喚不相猜

隨山的的五千樹
慚愧識花人
姓施說似龍形都不肯
昨朝新見水沉枝

對讀文選杜詩成四絕句

一從屈原離騷賦便至杜甫短長吟千載中間多作者
誰於海嶽算高深

絕疑此老性坦率無那評文兼世情若此乃翁增上慢
諸賢何得更垂名

江海雜體意不淺合彩和音列衆珍揀出陶潛許前輩
添來庾信是新入

草堂四松看摩空瀼西千果交青紅似須隱約住蜀道
可惜奔波離峽中

題學海樓

夜誦都忘浪枕喧
爾家江月舊樓存
新來轉使朝宗近
目送風帆到海門

張總幹挽詩

長年官食旅邊州
當路知音不自繇
薦墨雖圓人已寂
半輪斜月返新丘

翁常之挽詞

晉畫唐吟老愈奇
堪嗟動轉是風機
幸能栩栩形中去

何不蘧蘧夢裏歸

秀峯挿天下回溪曾送郴州路久迷更欲扶衰為公往
葛陂龍化的盧嘶

陳待制挽詩四首

喚作成虧總雪消等閒好惡任風飄齊侯自要乘千駟
顏子何妨飲一瓢

已報西川落那邊倒杯索賭計茫然也知漢北餽糧聚
能使江東保障全

昔年行住偶相同捨策追羊徑未通只麼空歸在何處
一竿紅日海門東

世事從來半局棋夜眠還有不應時時巖橋畔船辭柁
冷水觀邊花發枝

送鮑賓甫

近年詩友東西去贈子驪駒媿不多古柳渡頭音調別
滄浪聞處夜深歌

請惟耿住水陸院

宰官不管僧閒事北秀南能總未親說似隨緣耿長老
這回住院且繇身

讀葉子元詩題其後

心閒誤比游絲轉境勝空疑濁皛流我亦輸君聞早覺
醉吟都與句中收

送別李毅高宣教

堪嘆媧皇六葉孫直將豪武蓋諸昆黃金散盡身如寄
閒管春風白下門

送黃巖二陳秀才

一雙璞玉稟天和遠向東州就琢磨待得永無痕鏝相
莫言功用不須多

建會昌橋

十里滄浪絕岸遙幽人行處有誰招幸無車馬妨來往
買斷寒蔬取意挑

蔡良甫觀頤堂

觀頤有二義士窮在下安分內足而不希非意之獲

歛躬退守而不顧因人之榮所謂觀其自養也蔡君
近之

不多花卉春長在麤有田園歲自豐為問靈龜千歲訣
此中風味許誰同

章仙姑

栢水為糧自療饑春江千里正逶迤應知偃鼠歸休地
不在神龍起蟄時

小句送陳粹甫知錄

蕩裏舟輕指外沙
夾溪簷蔔正催花
南風借與迎親便
未離家時已到家

送孫子淵潭州司理

我住瀟湘獄自清
囚衫蟲蠹雨飄零
如今三院更幽寂
閉戶勘書花滿廳

郭宰為鄭全真歿買田以贍其後

鄭生在日常無食
身後恓惶又可知
郭象有緣天付與
新租滿碓不言饑

贈通川詩僧肇書記

海濶淮深萬里通
吟情浩蕩逐春風
却尋斗水龍湫住
裁剪雲煙字字工

贈瑞鹿瑩老化緣鑄鐘

寺寺簷花院院鐘
誰人肯顧此山中
待看窈窕廊陰裏
攏袖疎槌答遠風

寄題葉路分與君樓
如今若肯從徵召
總把三峯乞與君
太宗賜陳希夷詩也二首

封侯無例乞名山只許幽人獨占閒
若會當時與君意
林泉合在市朝間

直南正竦三奇峯更著東西紫翠中
面面欄干太親切
要看烟雨澹空濛

寄題駱子高解元蝸室

須知兩角怒蛙升即是千尋綵鳳鳴
滄海定知伸縮處
君看黃潦漫虧盈

薛嚴州挽詞

瘴雨蠻烟盡掃清
釣臺方軌淨無藤
堪憐獨立滄江上
不許朱轡更一登

送胡彥思

秋旱兼春處處祈
微茫欲雨又還非
汝行恰值此時別
不到為霖不肯歸

贈蔣知縣二首

穩絆芒鞋盡室行
何曾遣吏向前迎
存齋盡問深深意
只此能存不用名

紙貴應誇作賦奇無牛也復詠周詩長官況自清如水
說與邦人共展眉

贈孫十五道人

將軍橋畔女仙家年與鍾馗宴與花欲度世人無妙訣
睡長留日住簷牙

送王宗卿二首

米多糠少賀豐登蓮吐雙花麥五莖別有到家呈瑞處
繞籬黃菊向人明

久違曾閱膝前勞
翻得龔黃意外褒
但使親年多過百
人間一品未為高

題方武成詩卷二首

聞說莆中方武成年登二十便長吟
鬼神送與天成句
不道思多嘔出心

自古詩人高遠處
看君涉步邁前峯
謾呼賈島為同社
莫遣陶潛是別宗

送惠縣丞歸陽義二首

二嶺描成翠骨堆一川罨畫綉徘徊三年塵土無人識
山水虛閒與喚回

我在水心南岸村尋常風景不堪論等於天壤中間住
草醉花迷共記存

送呂子陽二絕

七峯斜轉斗光寒千仞飛來雁影寬生怕被君題寫盡
更流風景後來看

好花移買自嫌貧浪蕩空多未許春放出江邊無數橘

半黃半綠惱騷人

徐師屋廣行家集定價三百

徐照名齊賈浪仙未多詩卷少人看惜錢嫌貴不催買
忽到雞林要倍難

薛景石兄弟問詩於徐道暉請使行質以子錢
畀之

彈丸舊是吟邊物珠走錢流義自通認得徐家生活句
新來欄典諱詩窮

渡浙江

晚霞銷盡月明鉤
萬頃無風一水浮
長怕舟師深擊楫
自令洄洑起中流

遊衢州府園

破疑庵裏押衙石
塵外堂中急就章
猶有春風為披拂
看人歌舞過殘陽

再過雲庵

寥寥夜角難禁夜
滑滑山雞只記昏
風景不隨人老大

蒼松無語對脩筠

次王道夫舟中韻三首

鸛鵒收聲避鷓鴣
田家蠶麥已知秋
西湖風物無人共
時有跳魚入過舟

橐弓聽樂心肝盡
拔劍論功目眚豪
鳴鳥不聞千仞遠
搏風鷹隼頓能高

舊讀凱歌追小雅
近看羽檄過西京
中興文字須公等
容我春山帶犢耕

因在秀州寄王道夫詩三首

袞袞紅塵五月留來時落木不勝秋只今春事濃如許
萬里滄浪又一舟

魚龍遠避水光浮草木怒長山意豪獨立和風清宿酒
晚雲收盡月痕高

潘君狂甚詩能古葉子文高世莫驚何處有田求二頃
向來三月決歸耕

水心集卷八